

AUGLÝSING

85

23. ágúst

um fullgildingu Evrópuráðssamnings um jafngildi prófskírteina
til aðgangs að háskólum.

Hinn 11. desember 1953 var undirritaður fyrir Íslands hönd í París Evrópuráðssamningur um jafngildi prófskírteina til aðgangs að háskólum. Fullgildingarskjal varðandi samning þennan hefur verið afhent skrifstofu Evrópuráðsins hinn 5. ágúst 1954 og miðast gildistaka samnings fyrir Ísland við þann dag.

Þetta er hér með gert almenningi kunnugt.

Utanríkisráðuneytið, 23. ágúst 1954.

Kristinn Guðmundsson.

Magnús V. Magnússon.

AUGLÝSING

86

7. sept.

um viðskipta- og greiðslusamning milli Íslands og Tékkóslóvakíu.

Hinn 31. ágúst var undirritaður í Reykjavík nýr viðskipta- og greiðslusamningur milli Íslands og Tékkóslóvakíu.

Gildistími samningsins er til 31. ágúst 1957, en vörulistar, sem jafnframt var samið um, gilda í eitt ár.

Til Tékkóslóvakíu er gert ráð fyrir sölu á frystum fiskflökum, frystri síld, saltsíld, fiskimjöli og öðrum vörum, svo sem húðum, skinnum, ull og niðursoðnum fiskafurðum, en á móti er gert ráð fyrir kaupum þar á ýmsum vörutegundum til Íslands, svo sem vefnaðarvörum, járn og stáli, skófatnaði, bifreiðum, vélum, asbesti, gleri og glervörum, sykri, gúmmívörum, pappírsvörum, rafmagnsvörum o. fl.

Þetta er almenningi hér með gert kunnugt.

Utanríkisráðuneytið, 7. september 1954.

Kristinn Guðmundsson.

Magnús V. Magnússon.